

اداره مخصوصه

درسعادتده باب عالی خاده سنده

محل اداره :

مشارف

۱۳۲۶

انتشار :

مسک منز موافق آثار جدید مع المنوبیه

قبول اولنور

درج ابدلین آثار احاده اولغاز

دین ، فلسفه ، ادبیات ، حقوق و علوم دین باحث هفته لق رساله در

مؤسسلری : ابوالعلا زین العابدین - ح . اشرف ادیب

درسه دتده
ولایاتده
ملك اجنبیه ده

سنه لکی
القی آیانی
۶۰
۸۰
۸۰
۳۰
۴۰
۴۰

تاریخ تاسیسی :
۱۱. نمرز ۳۲۴

درسعادتده نسخه سی ۵۰ پاره در

قیرله دن مقوا بورو ابله کوندریلیرسه سنوی
۲۰ فروش فضله آلنیر

درسعادتده پوسته ابله کوندریلیرسه ولایات بدلی باخدا اولنور.

عدد : ۳۱

۳ ربیع الاول ۳۲۷ پنجشنبه ۱۲ مارت ۳۲۵

ایکنجی جلد

ایلمشیر . واسب سوار اولان حضرت اسامه نك یاننده یایا اوله رق یوریمکدن هر درلو الحاح و ابرامه رعماصرف نظر بیورمیه رق اردوده کی انتظام عسکرینک بتون مقتضیاتنه اتباع لزومی ایچون جهانیه بر درس امثال ویرمشر ایدی شو حرکت عسکریه نك عالم اسلامیه پك جوق فائده سی اولمش . اسلام معارضلرینک منویات و تصورات فاسده لرینی زیروزبر ایتشدیر .

اشته اوائل اسلامده ظهور یافته اولان اختلافلردن بری نفاق یوزندن تحدت ایدن و اسامه نك عهد سینه تودیع اولنان وظیفه یه عدم ادعاسیله ایلری سوریلان شو مسئله درکه موجب عبرت پك چوق جهتلری محتویدر .

۲ — جناب رسالت مآبک ارتحال دارنعم بیورمش اوللرینک لزوم اعلانی امرنده کی اختلافدرکه رؤیت جمال حبیب اللهدن محروم قالان اجله صحابه درد افتراقدن متدهش و سرگردان اوله رق ارتحال پیغمبرینک وقوع بولدیغنی استماعه کنیدیرنده طاقت و تحمل کورمه ماش اولدقلردن ناشی بوخصوصی تفوهه مساعده ایتماش اوللری اصحاب کرامنک بعضلرنجه موجب اعتراض اولمش و وفات پیغمبریدن باحث اوله رق شرف نازل اولمش اولان آیات کریمه نك تلاوتیه افده متحسره تسکین و قلوب امت تطمین اولمشدر .

۳ — روضه مطهره نك امر انتخابنده کی اختلافدر . زیرا بو خصوصده کی آرا مکه ویا مدینه ویا قدسدن برینی انتخابده . مشقت بولنیورایدی . نهایت حضرت ابو بکر جانبندن « اینیانک وفات ایلدکلری محللرده دفن اولنه جقلرینه » دائر اولان حدیث شریف نقل روایت اولمش و بونک اوزرینه اک صوک بزم ناسوت هایونلری اولان منزل مبارکک انتخاب اولمشی بالاتفاق قرارگیر اولمشدر . صلی الله تعالی علیه وسلم .

حلقه لی زراعت مکتب عالیسی
عقائد دینه معلی
ما نظ مصطفی صدفی

عبدیق فکر

دور نالت

دور علم

دین حامیلری بو اوچنچی دور قدر دهشتلیسنی کورمه مشلردی . مع مافیه اولانجه افراط و تفریطلریله ، سفسطه لرلیله ، عنادلریله ، مغالطه لرلیله برابر بودورک ظهوری بر امر منتظر ایدی . ده طوغریسی پك طبیعی ایدی . زیرا بو دورک یوزنی قرارتان رذائلک ده دور سابقده ظهور ایدن بر طاق مقتضیاتی واردی که اونلر اولماسه ییدی بونزده میدان بولمازدی .

بوندن اولکی دورده بعض کتب سماویه اصحابی بر طاق افراط و تفریط خطیئانه بولندیلر که اونلرک بو یا کلش حرکتلری بالمقابله خصم لرینک

تفریط آمیز سفسطه لرینی ایجاب ایدی . چونکه بو صورتله ایکی فرقه متضاده آرمه سنده توازن حصوله کله رک ، مظهر هدایت اولان فطرت سلیمه اصحابی سیل اعتداله رجوع ایده جک ایدی . بو ایسه بر قانون الهیدرکه افرادک و امتلرک آتم اولدقلری هر خطوه تجددده ، هر انقلابده مشاهده اولنور .

اوا فراط و تفریط خطیئادن بری دین غیر تکشیرینک حریت عقل و علم اوزرینه اجرا ایلدکلری تضییق ایله افکاری ایچندن چیقلماز طار بر طاق دوائر ایچنده محصور بولندیرملری ، عقلی دشمن دین صورتنده تلقی ایدهرک واسطه عقل ایله ادراک دینه یول یوقدر ، ظننده بولمایدیر . دیگریده ذات خالق ادراک خصوصنده اقرار عجز ایتیه رک الوهیتی کنیدی عقل و تصورلرینه موافق کلن بر طاق صفات ایله تصویره قالدشمالری ، خالق ده بو صورتله اعتقاده ، بو صورتله عمله سوق ایدوب مناقشه یه جرات ایدنلری جز الاندیرملری ، خلقت کائناتک کیفیت و ماهیتی ده مسائل دیندن صایملری ، طبیعی کنیدی فکر نجه تقدیره قالدشمه رق قوای طبیعی ، عجائب طبیعی اسکی خرافات نامه لرده کوریلن طرزده حصر و تحدیده یلتملیریدر .

ناسی بوکی غلطاتی قبوله سوق خصوصنده او قدر ایلری کتیدیلر که کیمده حریت عقلدن بر شمه حس ایتیدیلر سه در حال قهر و تنگیل ایلدیلر . حقوباتک اک شدیدینه اک سریغنه چاریدیلر ، نه قدر علمانی آتشلره آتیدیلر ، نه قدر حکمای داره چکیدیلر ، نه قدر اذکیانی زهرلیدیلر ، نهایت دینک بالک اولان ناصیه سنی لکدار ایتیدیلر . دین راهبر عدل و انصاف ایکن طوتیدیلر . ظلمه بروسيله ، ترقی شکنلکه بر عنوان خاله قویدیلر ، لیکن هیئات که قانون مانعسوز ترقینک سیرینی توقیف ایدمیدیلر . زیرا بو قانون نامحدود اولان عواملیه ، مؤثراتیه بشری پیشگاه قدومنده آماده طوران غایه کاله وارماسی ایچون طاغلری ، چوللری آشوب یکجه سوق ایتمکدن بر آن خالی قالمیور . ایشته اوتیه کیر ظلم و تضییقه ایلری کتیدکه خلق ده بومنفور استبداددن ، بوقورقچ نفوذدن قورتلماق ایچون بر چاره آزماق ضرورت قاهره سیله انتباهه کلدی . هدف اولدقلری تضییقات ایله بصیرتلی بر قاتدها آچیلدی ، سوبدای قلدلرنده کی نیران تأثر آله سیدلکنه پارلادی . بخشایش فطرت اولان ملکات ذهنیه لری فیضاب انبساط اولدی . آرتق کندیلرنده انوار عرفان و ادراکک شعله یاش اولنه یه باشلادیغنی حس ایتیدیلر . بو حس اونلری شباته ، صوک درجده مقاومت تشجیع ایلدی . آرتق مضطرب دیانت بونلره قارشی نه قدر شدتله صولت ایدرلر سه اوندن ده قوتلی بر صورتده مقابله کورمه یه باشلادیلر . نهایت مدافعه صوک درجه یی بولدی . ایکی طرفک قوتلری توازن حاصل ایتدی .

بونک اوزرینه دین طرفدارلری قانون التهنینک احکامی ایچون رد و استیفاف قابل اولدیغنی آکلایه رق یلکنلری صویه ایندیردی لر . بوسفرده استعمال قوتله استحصال ایدمه مدکلری بر ظفیری رفق ایله اجراز طریقنه سلوک ایتیدیلر . فقط بویولده کی سغیلریده هدر اولدی .

آرتق هر طرفدن خصملىله محاط اولدقلىنى ، اونلرك هجومنه هدف قالدقلىنى رأى العين كوردكلر بچون بومصيته قارشى قدرلك لطفنه انتظاراً خوشلانه تحمlden بشقه چاره اولديغنى اكلاديلر .

محافظه كاران عقائدك حالى بوصورتله نتيجهلندي . حریت عقل طرفدارانه ، علوم طبيعه وفلسفه رؤسانسه كلنجه بونلر ايجمش اولدقلى رحیق انتقام وغالبیتك نشووسيله ، اوقدر قيود جهنمیدن صوكرا استحصال ایلدكلری حریت مطلقهك سوقيله آرتق حدود اعتداله صینه ماز اولدیلر . كندیلرینه كلرك ال برلكيله عقائدك صاغلانلرینی واجب الاعتقاد اولانلرینی آیروب خلق ده بو طریقه كندیلرینی تعقیه سوق ایده جكلری یرده هربری رفع لوائ استقلال ایدهرك اولجه ازاله سنه اوغراشیلان افراط تفریط كردانه یكیدن دوشدیلر . برطاقی حق ، باطل تقدر معتقدات وارسه ترك ایدهرك یالكز ماده دن بحث ایدر اولدی . برطاقی ده بونكك قالمیه رق حواسنك احاطه ایده مدیكى هر شیئی انكاره ، برقسیمی ده اعتقاد خصوصنده كندیسه برحریت مطلقه ویرهرك نفسنه خاص بر دین ایحادینه باشلادی . خلق بومذاهب متضاده اراسنده شاشیردی قالدی . هانكى طریقك دها صواب ، هانكى فرقهك دها شایان اعتماد اولدیغنى كسیرمدی . بوتخیر ایسه كندیلرینك بتون مذاهب موجودیه قارشى بیكانه قالمیرینی ، هپسندن بردن اوزاقلاشمیرینی انتاج ایتدی . خالقك بو بيطر فلقده ؛ بولا قیدلقده ثباتلرینه اك باشلی سببده زكنیلر ، بتون زمانلرینی طومیق بيلمیه ن حرص وهوسلرینی تسكین ایله كچیركن . بر یكى بیچاره لك جدلكاه معیشتده محافظه حیات ایله اوغراشملى اولدی . چونكه ایش اورایه واردی كه برایشجی صباحدن اقشامه قدر بدنیه ، بینیه چالیشیر چابالاردی . بر تاج پاره دن عبارت اولان اجرت یومیه سنی آله رق عائله سك یانه كیدنجه فقر وسفالت اولانجه حقیقته اولانجه شدتیه بیچارهك افكارینی استیلا ایدردی . اوده آرتق محاط اولدیغنى بوبلای آرامسوزه قارشى كندیسه بنت العبدن بشقه تسلیتساز بوله میهرق كیدر كونده لككك اوچده ایكینى میخانهیه ویرره چولوغكك چو حفنك آچلقدن اولسنه راضی اولوردی . (روونك ۱۷ نجی جلدینه مراجعت) .

بوحیات سفیلانه بر طاقم تخریك فرقهرك ، شریر جمعیتلك میدان آلمسه بادی اولدی كه بونلرك غایه مقاصدی نظامات موجودهكك تغییرندن ، احكام جاریهكك تبدیلندن ، حكامك ، اصحاب ثروت ویسارك محوندن عبارتدر . دیورلركه :

« بز نه دن نظامات اجتماعیه مزده حیواناتدن آشاغی بر مرتبه ده بولم ؟ نه دن طبیعتك بتون ذوی الحیاته بخش ایش اولدیغنى حریتك اذواقندن . مساعدا تندن حیوانات قدر مستفید اولیم ؟ قوانین اسمی آلتده اوراق اوزرینه یازیلان بو مواد نه اولیورمش ؟ رجال حكومت نامیه بشقهلرینك تمایلاتی ، هوسلتی اوزرنده صاحب نفوذ اولق حقنى ادعا ایدن بو آدملر كیملر ایش ؛ بری اوتده ایككزه

اطلاسلره بورونمش ؛ منتظم بانجهرك ، روحفزا حوضلرك ، سلسیللرك اوكنده كال فوق واحتشام ایله خرام ایتسونده یانی باشنده بولان بر دیکرینك وارلقدن نصیبی ، هوای نسیمی تی تقسندن بشقه برشی اولماسون ؛ سفالت ایچنده ، امراض واسقام آلتده ایكلیه ایكلیه اولمكدن باشقه برامیدی بولمسون ؟

بو نه دیمكدر ؟ بوعدالتیدر ؟ خایر خایر ، وارسه یوقسه عدالت انسانلری كندی حاله بر اققدر . بشر وارسون مجادله حیات قانون طبیعیتندن بیلدیكى كی مستفید اولسون ؛ بومعركه موجودیتده طبیعت غلبه قوئى كیمه ویرمش ایسه راحت موجودیتدن آنجق اوهره دار اولسون . اوله ایسه شومقصد قدسی به وصول ایچون نه قدر وسائط وارسه هپسنى استعمال ایتك ، هیچ بر فداكارلنى دریغ ایتمهك ، حیل و دسایسه طوبه ، تفكه ، بیجاغ ، قلیجه ، دینامیته قومباریه ، الحاصل هر واسطه به مراجعتله كائناتی شو متفذیندن ، شو ظلم میندن قورتارمق الزمدر . »

ایشته بوسوزلر افرادى میلیونلره بالغ اولان فرق متعده دن برینك ملاخطاتیدركه بونلر سهای تلقینات الحادیه آلتده ظهور ایدهرك مدنیت حاضره ماده نك تأثیراتیله عددلری كوندن كونه چو غالمقده در . بر صورتده كه اكر جناب حق محض لطف و رأفتیه بوفسادك اوكنی آلمیه حق اولورسه حكومات متمدنهكك محوندن قورقیلور . اشته بوشورشلر ، بو فورطنلر عقلای امی میدانده كی خسته لقلرك تشخیص ماهیتیه ازاله سى چارملرینی اراشدیرمه به سوق ایتدی . اوزمان یقیناً كوردیلركه بوعلتك مقروبی دینك فقدانندن ، قیلرك انوار یقینده محرومیتندن بشقه برشی دكلدر . بونك اوزرینه آرتق الدن كیتمش اولان او جوهر قیمتدارى ، اواكسیر حیاتی استرداده قالقیشدیلر . ای اماهانكى واسطه ایله ؛ فلسفه حسیهكك تعلیماتی عقلی كاملاً كندیسه بند ایش . بناء علیه آرتق افكارى قولای قولای چویرمك ممكنا تندن دكل . انسانلر اكلا دیلركه یالكز دلیل عقلی به منقاد اولق ادوار ماضیه ده كوریلن فساداته ، تفرقه لره میدان آچیلور . بناء علیه بو طریقكك طوغری اولدیغنى بوكون تعین ایتشدر .

كذلك یقیناً بیلنمشدر كه عقولك بر طرفی ركن ركن حسه طیانیمان معقولات اوزرینه استنادی صاغلان بر استناد دكلدر . شائیه اوهامدن قورتیه ماز . بونك ایچون عقائدك صحیح اولان اساسلری یكیدن آرانیه ، لكی اوله علی العمیا دكل ، باصره عرفان ایله آرانیه ؛ الدن كیتمش اولان اویقینده استرداد ایدلمیه ، فقط سیف برهان ایله استرداد ایدلمیه باشلادی .

بو بر اجمالدر كه تفصیلی لازمدر . اونك ایچون بزده بوراده دینسزلرك كاهیتلی اولان شیهاتی سردایدهرك اساسندن رد ایده جكز :

مترجمی : محمد عاكف